

「兩浙海防類考續編」目錄

「中國史學叢書三編」出版說明 劉兆祐

「兩浙海防類考續編」提要 編委會

兩浙海防類考續編敘 明·史繼辰……………一

兩浙海防類考舊序 明·滕伯輪……………七

海防類考續編後序 明·范涑……………一三

兩浙海防類考舊後序 明·余一龍……………二一

舊目……………二七

卷一

浙江輿圖敘……………三三

兩浙輿圖……………三五

全浙海圖……………三七

浙海指掌圖 一一五

日本國圖 一一九

卷二

浙江兵防官考 一二五

沿海衛所 一三〇

浙江事宜 一四九

申明職掌 一七五

總參議設 一八五

各區戰船 一九五

水陸官兵 二一四

卷三

官軍兵船員兵及防守地方哨道 二二三

卷四

申嚴哨探 四〇四

衛所軍糧 附官軍折鈔	四五九
官兵糧餉	五一一
戰船料稅	五三二
衛所軍需 附公費犒賞	五四二

卷五

全浙兵餉	五九〇
商漁稅銀事宜	六五八

卷六

倉糧條議	六九六
密軍磚瓦	七〇九
修理城垣	七一五

卷七

操練官兵	八三〇
考察官捕	八四六

獲功賞格	八七六
大捷考	八八一
卷八	

辯倭真偽	九六三
全浙總論	九六五
羊山防守	九七一
陳錢嚮導	九八九
普陀禁約	九九七
海山沿革	一〇三八
天漲塗田	一一二二
風雨占候	一一二九
潮汐占候	一一三九
卷九	
王官使倭事略	一一四五

1-28-28-1

卷

十

倭奴朝貢事略	一六五
倭國事略	一八九
浙江倭變紀	二二七
遇難殉節考	二六五
海船圖說	二九五
火器圖說	三四九
兵器圖說	四五三

兩浙海防類考續編敘

督撫任丘劉公持中丞節填兩浙浙郡邑強半
瀕海維時島夷躡蹙屬國議援議防浙當十
五濟師增餉無虛畧夷狡叵測衆亦吠聲浙
東諸郡旦莫廩廩若餘皇斥候碎薄郊圻十
餘年間浙無患形而患聲

督撫公示鎮靜以救寧諸軍而陰懲必防守具
豫遏夷釁滄溟不波八年於茲會屬國既靖
罷援師浙稍息肩

海防類考卷之五

二百九十五

督撫公瞿然曰防之此其時矣語防海使今右
轄范公曰浙掌故有防海類考曷芟增定萬
世規昔躬今更則芟昔略今詳則增牘不增
而標註增者為輿海哨道諸圖目不增而事
增者為糧餉犒賞諸目目不殊而事殊者為
稅監等事事文省而目增者為使貢捷節諸
考船器圖說總之詳於見行而略於曩沿詳
於本省而略於附見取備實用匪第博綜已
也編先四卷今為十卷卷倍類考文亦稱是

命曰海防類考續編不佞辰適待罪浙藩與
剗刷之役反覆竟讀竊有概於防之義防之
言豫也防於可防之地易防於無可防之地
難防於無可防之時易防於有可防而無可
防之時難可防者形也無可防者聲也東南
防海西北防陸陸有刁廬騎塵關城甲楯蘖
芽一動形埒昭然故曰易也若乃滄海巨浸
沃盪千里天水寥渺山島竦峙其來無端其
去無涖故曰難也浙有防海之役昉於嘉靖

壬子數十狡孽跳梁吳越若匪虛賴歛胡公
底定懲前鑒後防稍稍密不過候風汛禦剽
舟非果有壓境之夷旁而伺我也故曰易也
關酋躐王京而海上沸聲自膠東遼左移浙
矣計道里抵夷窟浙與膠萊等且無屬國為
之藩乘風溯潮不數日舟泊金塘大榭間巨
測也防已亟見為周章而多事防已疎一旦
決裂不及制故曰難也地難時又難

督撫公處之無難復與先後

臺察馬公

吳公

周公慮切同舟計先未雨寮幕肅共拱揖受
成固神靈威武默以折衝至其畫一周防可
規萬世則續編具在夷狡以聲我鎮以形形
聲之變不可勝窮彼以形來我以無形應彼
罷而窮於形之外彼以聲來我以形應彼局
而困於形之內浙事在形聲間我形常攝彼
聲自謚在防海者得是編而善守之爾民歌

平陽曰蕭何立法類若畫一曹參代之守而
弗失載其清靜民以寧一敬書簡端以詒來
者

萬曆壬寅仲冬吉日

浙江等處承宣布政使司左布政使前翰林
院庶吉士平陵史繼辰頓首謹書

兩浙海防類考舊序

島夷之為濱海患其來久矣我

國家創業之初南之備倭與北之備虜經畫
詳悉無異此其英謀遠慮良非恒情所能
窺測其萬一也承平日久諸島波靜士大
夫之議每不及於南中國之所以斥堠而
守者將盡其藩衛而撤之嘉靖壬子間二
三狂孽勾引內犯走吳越數十州郡如出
入無人之境中外咸已駭然嗟殆哉時

世皇帝赫然震怒大徵天下材官騎士選督更
帥費江南財粟百餘萬始克斷蛟馘鯨宣
威海上南顧之憂少舒自茲以後兵馬餽
餉烽堠墩亭軍械樓船賞罰練習視昔大
備載在籌海圖編及海防考者皆可披閱
而知也迨今垂二十年兩浙沿海之區已
稱寧戢而時異勢殊因革消縮之不常規
議更移之靡定其行事上下稽之往牒大
不相符受責任事之臣能無隱憂於此乎

督撫湖湘謝公奉

命秉鉞茲土經武緯文坐殿南服而惓惓衣茹
之防恒日夕兢惕于衷巡海憲副劉公平
日殫心職業其于海上故實無不周知迺
仰承其志意纂成兩浙海防類考一書上
之

四院皆報曰此深有裨安攘者也命梓之
以永遵守書凡四卷目三十又五條首具
輿圖明阨塞次之建置又次之兵額凡其

糧餉軍需之所自出哨守修營之所必先
鉅及功賞細及占候無不條分縷布於其
中海防掌故恐無出此矣嗚呼公之心豈
徒以潤色鴻猷備美觀聽而自志其劬勤
已耶大都天下事嘗失之於後時而圖目
前者難與計久安之策也春秋孔氏大一
統之書其戎狄之名似非所宜亟亟於辨
者而其稱狄也或曰狄或曰白狄或曰赤
狄其稱戎也或曰戎或曰山戎或曰姜戎

或曰陸渾之戎別其種類而詳書所勝所
敗之由傳者曰正其名者非他欲天下後
世知其種類之謂何而制禦之方可施之
于不悖聖心之不忘遠至今可以想見若
此是書之纂言辨事核而考究甚詳予度
公之心其憂深思長將貽後人以久遠之
利也與使後之繼此者取圖牒一展讀之
往事昭昭若覩茫茫千里之巨浸可須臾
亡備我備不弛則患不生雖歷百年如今

日可矣慎無曰鯨濤不作可以無事而去
兵減食以要節省之名俾前時臨渴掘井
之弊茲復窒之也已伯輪不佞僭題于簡
端併以告諸守封疆者

萬曆乙亥仲夏吉旦

浙江布政使司右叅政前奉

批督學校甌寧滕伯輪謹書